

欽定剿平三省邪匪方略

正編

十一



欽定剿平三省邪匪方略正編卷十九

丙辰年

十月初二日

甲戌

畢沅奏言

臣

前次截殺清河口

一帶竄回賊匪並設法解散黨與連日以來賊

黨陸續悔罪投出者有一百餘人

臣

隨時開導

妥爲安置並加嚴密隄防察看情形無不共慶更生甚爲安貼惟查永保等統率大兵自前月二十四日以後節次痛剿逆匪兼程追捕由鍾

祥而至雙溝復由呂堰折而向東到陳家河一帶兩旬餘晝夜不息現已至豫楚連界之倉臺地方分投兜截兵力頗形勞頓加以疾病傳染官兵傷亡甚多日來遣回襄陽調養者已及千

名

臣

札商承保等畧加休息蓄養銳氣以期一

鼓集事不必過於焦急所有後路襄樊迤東一帶居民前因賊匪自鍾祥北竄多有驚散逃避

今自大兵過後諸路漸清還家歸業者絡繹於
道但近日屢據各卡兵勇盤獲賊匪章正綱等
仍供前來探聽各路官兵消息詭詐異常當此
人心甫定反側未安誠恐復被驚惶煽惑所關
非細且襄樊爲豫楚咽喉軍儲重地官兵不滿
五百因復酌雇壯健鄉勇分布各卡臣與副都
統成德總兵徐昭德親率將弁嚴密防堵以助

聲威並委員攜帶銀米分赴各村散給難民逐
加安撫免致被賊煽誘即可藉以解散餘黨仍
令襄陽道胡齊嵩往來稽察妥慎辦理務使樂
業安居以仰副

聖主軫卹生全至意至大兵雖在河南邊界而一切

軍火糧餉臣與景安彼此札商楚豫二省均不

分畛域源源撥運足資接濟

畢沅又奏言竊臣欽奉

上諭以御史潘紹經奏湖北鄉勇有係州縣招募者

有自行擅殺虐及無辜者有地方紳民供給夫費

者現在軍務指日完竣令臣查明裁撤伏查教匪

肆逆以來各處紳士義勇或各自糾集團練或

踴躍應募均能奮勇殺賊節經奏奉

恩旨賞給頂戴准支口糧至爲優渥該鄉勇等莫不

力圖報効雖起事之初賊勢鴟張人心驚惶莫

定官員不及兼顧各卡截獲賊匪或不免於擅

殺而鄉勇認賊最真如果虐及無辜斷難掩衆

人耳目至士民人等團練鄉勇各自保守村莊

出夫出費原係自行經理並未官爲派辦該御

史潘紹經籍隸湖北蘄水縣其親戚往來或別

有所聞但查漢口鄉勇除官雇之外止據鹽道

保定督率鹽商雇有三千人並捐給米糧資助
此外並無派夫派費情事

臣

雖遠在軍營無不

時加體察峻立防閑茲惟有再飭各該管道府
密查嚴禁以杜苛累至各處所設鄉勇每於剿
平一處卽將無關緊要卡隘漸次裁撤現在襄
陽宜昌等處賊氛尙未洗淨自應遵

旨仍行酌留防堵惟地方遼濶蹊徑紛岐其毗連州

縣處所仍有不得不暫留之勢總之官爲僱募

者固應裁撤以節糜費卽民自團練者亦當減

損以惜民力臣惟有會同撫臣察看事機隨宜

妥辦

畢沅又奏言楚北教匪肆逆四處蔓延節經官

兵分投剿捕已將孝感當陽枝江鄖陽施南等

處以次蕩平僅止襄宜餘氛未靖現在大兵會

剿不難尅期竣事所有逆產例應籍沒入官自當隨時清釐以免欺隱侵佔惟良逆業產不容混淆其平日有典賣之分界址亦犬牙交錯又多係坐落各府州縣零星散漫且間有良民全家被害所遺絕產必須另行釐出分別經理倘查辦稍有不善最易啟影射爭佔情弊查各處教匪經此番大加懲創之後不可無經久良圖

將來或應酌加兵額或應添建城垣及修葺官

廨等項需費正繁自應卽以逆賊所遺之產爲

防微杜漸之需臣現在核定章程通飭各屬遵

照清查分晰開造細冊先行賚送備案一面另

委幹員分投覆查倘有隱佔別情照律治罪庶

使逆產盡數歸公不致爲吏胥地棍隱佔奏入

上命軍機大臣傳諭永保畢沅曰畢沅奏稱永保等

自前月二十四日以後節次痛剿賊匪兼程追捕
兩旬有餘兵力頗形勞頓並送回襄陽養病者多
名等語永保等因連日追剿賊匪兵力疲乏兼有
染患疾病者自不得不畧爲休息但永保等惟知
休息兵丁能保賊匪亦卽株守不出滋擾否耶設
賊匪轉乘間四出豈不使良民遭其搶掠永保等
此時卽不能將首逆各犯拏獲亦應督率官兵設

法布置分路堵截不使竄出滋擾或亦時向賊巢
爲進剿之勢擾之使不得安永保等何竟計不及
此僅以養銳藉口坐待新調之兵到齊轉予賊以
暇耶現在永保等究在何處帶兵追剿如何會同
景安設法堵截該處賊匪是否在倉臺附近地方
屯聚抑又竄往何處何以總未據續行奏報計此
旨到日新調兵丁已陸續到彼永保等原帶之兵

休息多日又得此生力多兵聲威倍壯務須鼓其
銳氣迅速剿辦勿令賊匪再竄他處又畢沅奏鄉
勇暫緩裁撤一事該御史潘紹經所奏雖非無因
但現當剿捕賊匪之際正須藉其防堵自不應遽
行裁撤不妨於事竣後再行酌辦至清釐逆產一
節此時賊匪尙未剿淨何暇辦及畢沅何必亟亟
爲此奏耶

初五日

丁丑

福寧觀成奏言宣恩縣龍馬山賊匪

自首逆李登敖擒獲後卽率衆投誠

臣

等將投

出之四千餘人逐一分別妥爲安頓並將宋文

錫等四十四名及其家屬人等解赴施南郡城

監禁因反側初平將分守各卡之兵徐徐撤去

察看動靜實已帖伏隨卽移師前進查自龍馬

山至榔坪地方計程六百餘里均係窄狹山路

且值秋雨淋漓勢須分起行走臣等派員持令

催僱兵勇陸續進發先期派委千總宋吉典帶

同熟悉路徑之武生龍夔密往巴東長陽一帶

查探賊情並據各該地方官稟報榔坪賊匪分

爲兩路一係林之華爲首率同夥匪往長陽境

內之滋邱屯聚業經成德文圖在彼剿捕一係

覃加耀爲首帶領夥匪在巴東境內之譚家村

聚集分出夥黨在張家村堰塘灣支井河等處

肆出焚燒搶掠糧食人數各有數千等語

臣等

當卽督催兵勇迅速前進於九月十六日抵巴

東屬之高店子駐劄熟商進剿機宜查該匪等

蜂屯蟻聚踞守險隘聞官兵赴剿又將道路挖

斷爲抗拒計恐提師直前掩擊而後路籌密山

深僻徑叢雜賊人或竄入歸州境內或竟窺伺

巴東必須防範周密臣等將惠齡撥來江西之

兵卽令在歸州堵截一面派鎮臣諸神保帶領

兵將自召堡至娃娃寨扼賊入巴東之路爲前

後夾攻之計臣等派撥停妥卽於十七日寅刻

帶兵前進探得高店子東有野山河一道水勢

洶湧兩面懸崖峭壁官兵必須從此而進若被

賊人在東面佔住渡口我兵殊費登涉臣等一

卷之三十一 兵部 九
面派令試用都司常在帶兵三百名卽在渡口
對面佯作渡河之勢一面卽派候補都司馬建

紀守備李寅等帶兵五百名從渡口五里外石

門坡紮筏過渡遠出賊人後路夾擊賊卡賊人

見我兵業已渡河又有對岸策應之兵不敢抗

拒各自紛紛逃回支井河賊卡

臣

等督催兵將

迅速渡河直向支井河一路攻剿賊人見我兵

將到賊卡卽吹角鳴鑼聚集匪黨約有千餘人

抵死抗禦經臣等派令鎮臣慶溥等帶領漢土

弁兵迎擊奮勇爭先殺賊二百餘人賊人奪路

逃竄又生擒賊匪十三名訊無要供當卽正法

十八日卯刻臣等帶兵由支井河進發直抵堰

塘灣探看賊人各卡俱佔據山梁險隘共有六

七處臣等細察形勢苦桃溪茶料坪兩處尤爲

據險必須先將兩卡攻破方可直入當卽派令

慶溥等帶兵四百名進攻苦桃溪叅將銜遊擊

呂朝龍等帶兵四百名攻剿茶料坪分兵兩路

而進同時各將賊卡攻破縱火焚燒兩路夾擊

賊人屍橫滿地情急圖竄餘賊紛紛逃逸俱各

赴譚家村賊巢我兵隨後追至楓木山距譚家

村不遠時及酉初隨令紮營歇息四面派兵嚴

密防守以防賊人夜襲十九日_臣等督令兵將

於寅刻起身前進查譚家村四面皆山樹木叢
雜路徑陡險探明賊匪出入之處原有張家村

勸農廳兩路_臣福寧帶領副將何元卿等率領

兵勇從張家村左一路進剿_臣觀成等率領弁

兵由勸農廳右一路進攻約於辰刻同抵譚家

村賊匪見我兵兩路進擊率衆擲石放鎗捨命

抗拒臣等鼓勵將弁併力攻擊當有候補守備

孫應奉將賊巢東邊寨柵燒燬候補都司馬建

紀千總郭朝鳴等由山後小路撲上賊巢拋擲

火彈將寨內草房焚燒一時烈焰騰空賊匪倉

惶失措我兵乘勢奮勇爭先撲入賊巢鎗箭刀

矛並舉殺死賊目田洪鄧宗雄田谷三名割取

首級梟示生擒賊目覃靖鍾譚祖蘭等二十八

名其餘鎗礮擊死及墜崖跌斃者不計其數訊

據覃靖鍾譚祖蘭等供稱賊首覃加耀已被鎗

傷與賊目譚林宗乘間竄逸逃往長陽之滋邱

等語餘犯並無要供概行正法臣等現在暫息

兵力察看周圍山谷形勢恐路徑紛歧有逸匪

藏匿巖洞現派守備阿克東阿等帶兵各處搜

捕鎮臣諸神保亦從娃娃寨帶兵沿途搜殺以

期廓清後路再行移師追剿與成德等會兵夾
擊務期速擒首逆早靖妖氛其奪卡打仗時陣
亡之四川提標守備曾眷土都司王林保土千
總澤朗土把總班第滿營前鋒哈豐阿及傷亡
兵勇等查明照例咨部卹賞

同日永保恒瑞景安慶成奏言查淨河鎮爲棗
陽唐縣交界地方北通唐縣西至倉臺直達新

野鄧州西北渡過唐河可抵南陽此數處最關

緊要日內賊匪屢撲倉臺均被臣等酌派官兵

分路擊退但豫境地勢平行無險可據現在賊

衆俱在滹河鎮西北之蔡家湖高家營傅家灣

泰山廟一帶散屯希冀分投竄逸舒亮同烏什

哈達等領兵在唐縣迤南下屯地方堵截總兵

德光等領兵在東南湖陽地方堵截臣等現在

倉臺遏其西竄要路西北一帶唐河綿亘目下

秋深水淺易於涉渡現派總兵楊秀等領兵嚴

密防守不使賊人竄逸偷渡但官兵現擇扼要

地方分布堵截於攻剿未免不敷臣景安擬調

鄧州鄉勇數千名專派文武員弁管帶剿辦茲

蒙

天恩簡發京營勁旅並直隸山東官兵前來當經傳

諭將士人人勇躍思奮臣等安置停妥鼓勵將

士相機剿辦不敢稍有遲緩至南陽府城現有

兵四百名臣景安已派臬司在郡彈壓其新野

唐縣鄧州桐柏等處俱已酌派官兵齊集鄉勇

嚴加防守可保無虞

同日成德文圖奏言臣等自續奪長沖等處賊

卡分兵屯紮後數日以來親往躡探滋邱左重

山之南山勢散漫路徑叢雜臣等於二十四日

深至金龍頂山巔臣見賊卡密佈堵拒甚嚴我

兵卽伏於兩旁山窪止留數十人跟隨山溝內

突出多賊因見我兵不多齊撲上山臣等當令

伏兵擁出鎗箭齊發併力擊殺傷斃無數餘賊

始遁伏思賊臣狡狴臣等相度地勢卽當督兵

攻擊但所帶官兵二千數百名現在南北兩岸

東北一帶最要隘口分佈紮營防堵其正西西
北一帶尙無堵截之兵未敢冒昧輕進致賊匪
竄往他處滋擾現聞福寧觀成已自宣恩起程
不日帶兵到來臣等一面飛札福寧觀成由何
路進兵迅速覆知以便會合夾擊

同日秦承恩奏言臣前差員弁密赴四川交界

各處訪緝匪犯王子俊等蹤跡據稟探聞四川

達州亭子舖地方現有匪徒聚衆滋事等情

臣

查達州與太平縣交界太平縣與陝西漢中興

安二府屬毗連誠恐川省追捕緊急竄入陝境

勾結煽誘

臣

現飛飭該管道府會同署興漢鎮

督率地方文武員弁帶領兵勇分布要隘嚴密

防守毋使一名闖入境內一面親赴漢中一帶

鎮靜彈壓相機堵禦如陝省邊境民情照常安

帖臣卽帶領興安府城防守兵丁徑赴達州各
會英善兩面夾攻以期一鼓殲除免致蔓延分

竄

同日英善奏言九月二十日酉刻據達州知州
戴如煌稟稱訪得該州所屬亭子舖等處有教
匪潛匿隨即密差拏獲匪犯羅啟文李大芳到
案究出拜從熊泳霞爲師習教各穿青布衣履

等供當卽會營馳往查辦途次據差役回稱熊

泳霞已邀集教匪千餘人在亭子舖地方分三

處屯聚等語隨會同守備楊成白飛速往拏並

飛移隣封一體協剿查達州兵丁大半出師黔

楚存營僅數十名不敷調遣除一面上緊召募

鄉勇分別設卡堵剿外理應稟請撥兵協剿等

因臣於接稟後一面飛飭附近該州之川北鎮

將弁酌帶兵丁協捕一百挑選省城將軍總督
提督三標兵丁五百名卽於九月二十二日親
自帶領並派委永寧道石作瑞提標中軍盧廷
璋等迅速馳往剿辦酌留勒禮善同代辦按察
使事鹽茶道王啟焜在省經理一切以資彈壓
均奏入

上命軍機大臣傳諭永保恒瑞福寧觀成惠齡英善

秦承恩曰英善奏達州亭子舖地方有教匪熊泳
霞等邀集千餘人在彼屯聚先派川北將弁帶兵
協捕英善卽親帶兵五百名前往剿辦又據秦承
恩奏前往漢中一帶巡防另挑鄉勇同弁兵分撥
堵禦等語所辦俱好此等教匪與湖北邪教自屬
一氣目下楚省襄陽來鳳各處匪徒經官兵剿殺
奔竄無處逃生或有一二名潛行逸出復往川省

勾結煽惑希冀牽掣官兵苟延殘喘不可不迅速
撲滅現在成都省城有勒禮善彈壓英善已帶兵
前往而秦承恩前在興安駐劄日久熟悉該處情
形今復馳往漢中一帶幫同堵剿自無虞其四出
滋擾惟英善所帶兵五百名爲數較少自應令觀
成酌帶兵丁前往幫辦適據福寧觀成等奏到榔
坪賊匪林之華覃加耀希圖分路滋擾經福寧等

由張家村勸農廳兩路進攻殲賊甚多深入一百

數十餘里奪獲四卡覃加耀已被鎗傷竄往長陽

之滋邱地方福寧觀成雖未能擒獲賊首全行掃

蕩而巴東境內附近賊匪業經剿散辦理尚屬可

嘉福寧觀成及分路帶兵之總兵諸神保慶溥著

各賞給大小荷包候補都司馬建紀守備孫應奉

著以應陞之缺陞用其餘出力將弁著查明一併

咨部議敘所有陣亡之守蒲曾眷等俱著咨部加

一等優卹又據成德等奏躋探地勢剿殺賊匪一

摺成德文圖雖未能直搗滋邱賊巢但所帶兵丁

無多尙能殺賊成德文圖亦著賞給大小荷包此

時覃加耀竄至滋邱自與林之華聚集一處福寧

觀成自西而東成德文圖自東而西兩面夾擊正

可將滋邱賊匪聚而殲旃計此旨到時伊等自己

拏獲林之華覃加耀殲淨餘黨著傳諭福寧觀成

自行斟酌如該處剿捕事宜完竣無須伊二人在

彼督辦卽一同速回川省帶領各標營及屯土兵

丁迅赴達州與英善會商進剿該省兵丁回至本

籍剿捕賊匪自必倍加踴躍尤爲得力倘滋邱賊

匪一時尙未能淨盡福寧應暫留該處會同成德

惠齡等辦理觀成係成都將軍久歷戎行該將軍

應先酌帶兵丁迅赴達州會同英善實力速辦長

陽巴東距川省不遠福寧現署總督所有達州賊

匪該地方官等自必隨時稟知聲息常通如達州

教匪業經英善秦承恩會剿完竣福寧觀成又不

妨暫緩回蜀以期將榔坪賊匪迅速剿淨蕝功此

等機宜惟在福寧觀成就近酌量情形或行或止

總期於事有益又永保等奏酌籌分布兵勇堵截

要路設法兜剿一摺待之數日方有此奏仍未能
將該處賊匪兜截痛殲殊不滿意閱摺內所奏賊
情現在滹河鎮西北之蔡家湖高家營等處一帶
散屯永保等既已分佈堵剿斷不復令賊他逸而
新發之勁兵及直隸山東各兵俱可卽日陸續到
彼永保等得此生力勁兵正可迎頭截殺至襄陽
一帶現在雖無賊匪但該處爲全楚要路今川省

達州地方又有教匪勾結滋擾等事畢沅駐劄襄陽仍當加意留心毋得稍有懈弛

上諭內閣曰此次派撥京兵前赴河南協剿所有由京至直隸一帶該督及府尹等辦理無悞俾兵丁等行走得以迅速梁肯堂蔣賜棨莫瞻菴俱著交部議敘其派委照料之文武員弁亦著該督等查

明咨部分別議敘

初九日辛巳畢沅景安奏言查永保等自劄營倉

臺以來兵力已加休養現在移營三黃鎮卽擬

乘此軍威布置周妥相機圍攻探得賊蹤雖尚

在唐縣之陳家岡一帶屯聚然聞北路大兵絡

繹而來已不敢再向北竄但難保不折回襄樊

一帶自應分投兜截早爲防範惟是襄城存兵

不滿五百大營後路綿長要隘分歧均無兵分

派防守所集鄉勇究恐不足全恃因查陝甘督
臣宜綿前經奏派兵二千名防守興安商州隘
口其餘一千駐劄鄖陽邊界預備策應今鄖陽
全郡久經廓清自應將此項兵丁移駐襄樊徑
由水路順流直下不過數日卽到後路添此兵
力洵足以資堵禦而壯聲威至京兵所需馬匹
一項楚豫本非土產兩年以來軍營調派已多

各驛差務紛繁實不敷用卽設法採買亦恐緩

不濟急

臣

等已就近咨調直隸山東山西陝西

馬各五百匹以利軍行並趕緊製備鑼鍋帳房

隨有隨解軍火糧餉楚豫通融籌備待大兵在

何處追剿卽由何處運送接濟以期無悞要需

同日福寧觀成奏言

臣

等於二十七日接據四

川川東道李憲宜等稟稱達州與東鄉縣連界

之麻柳場有邪匪二三千人焚搶村市附近居民紛紛逃避現在札飭守備石陣圖帶領兵勇馳赴達州東鄉一帶併力剿捕等情

臣

當卽札

飭該道等會同帶領弁兵前赴該處上緊剿辦

臣

等現因分路追剿譚家村逸出賊首覃加耀

譚林宗等正當吃緊之際不克分身前往卽所帶兵勇現在深入進剿尚形單薄實難分撥至

四川通省現存營汛兵丁甚少亦屬無可抽調

臣等再四熟籌一面飛咨代辦督臣英善副都

統臣勒禮善將滿營駐防兵丁內挑選壯健者

一千名派委協領佐領等官分起管帶卽令勒

禮善統率馳赴達州會同李憲宜等相機剿辦

一面飛咨陝西撫臣秦承恩將從前督臣宜綿

分派興安商州二處預爲籌備之官兵一千名

遴選將弁帶領汛一往漢中府於達州太平縣交界之西鄉縣駐扎以壯聲援并可就近堵剿

臣

等又恐該匪等蔓延騷擾鄰郡復飭本任達州營遊擊孫起龍等星往達州東鄉境壤毗連之處四面圍捕似此分路調派厚集兵力料烏合之衆不難尅日掃除

同日惠齡奏言涼山賊匪自

臣

等奪獲九鼎壇

香爐巖二卡後見官兵連日逼近自料滅亡在
卽惟恃自九鼎堽上至二天門一線羊腸險隘
可守凡滾木插石密布山腰我兵向上仰攻賊
卽堆放衝激並連日霧雨纏綿寒氣已甚冰凌
澗滑兼以我兵紮營山頂日爲霧雨所侵間生
疾病不得不更番抽換稍恤其勞至賊匪取水
之處雖分安大礮轟摧以冀斷其汲道但秋雨

經旬賊匪設法積水無憂匱乏

臣

實深焦急伏

思賊匪因我兵周遭圍住無路可逃是以忍死

須臾冀延殘喘惟有暗行埋伏放開一路誘令

下山庶可得手但賊匪狡詐百端設竟驟然撤

出賊必疑我兵計在誘敵益圖固守

臣

於九月

十四日起每日將病廢兵丁撤出二三十人分

起出營故使賊匪得見並密遣安人偵探賊匪

舉動旋于二十九日據行營外委劉添順稟稱

賊匪始見官兵抽撤並無動靜嗣見日撤日多

卡座虛空每見山頂指畫窺伺似有欲奪九鼎

堽香爐巖二卡之意

臣

隨即派委守備林朝輔

等帶領兵勇伏於香爐巖山後前鋒校倭什琿

等帶領兵勇伏於九鼎堽山後總俟賊匪越過

九鼎堽而下林朝輔等即攔住賊人歸路倭什

璉等卽搶占二天門使賊匪進退失據臣與關

騰先福帶領兵勇分布頭天門涼山坪觀音閣
等處四散遊奕使賊匪見我兵不加準備誘令
突圍衝出卽可會合剿擒當於二十九日巳刻
果見賊匪數十人冒雨潛行自二天門而下先
至九鼎壩營卡窺伺時卡內尚留兵勇數十人
隨出接戰賊匪見我兵甚少直前搶奪我兵佯

作不勝退併香爐巖卡內賊匪跟蹤而至當經
我兵奮勇截殺賊匪回至九鼎埡不敢佔住直
退上山我兵從後尾追賊匪木石亂下時值雨
霧大作我兵亦卽仍扎駐原卡

臣

當潛令官兵

俟賊匪再來撲卡時卽退下山任令追來庶或
有濟迨至三十日天甫微明又有賊匪數十人
突至九鼎埡直前奪卡我兵且戰且却將賊匪

誘下山坡經林朝輔倭什琿兩路齊起鎗礮並

施賊匪無心抵禦爭思奪路而逃臣與關騰先

福陸續趕到當卽生擒張有聲袁大昌二名餘

俱全行殺斃正擬乘勢一湧而上詎賊在二天

門施放鎗礮推滾木石行營外委黃恩全捨命

上前卽被鎗傷陣亡把總楊得陞亦受石傷甚

重其餘兵勇受傷多名察看形勢終難得手當

設賊匪取水之處一俟雨止天晴卽行相機轟

擊臣仍隨時設法進攻務期速行殄滅卽日移

兵前至滋邱與成德等會合剿捕均奏入

上命軍機大臣傳諭畢沅勒保福寧惠齡明亮姜晟

鄂輝曰達州東鄉縣教匪滋事福寧接到該道等

稟報後因正在追剿譚家村逸出賊首未能分身

卽飛咨英善勒禮善令挑選滿營駐防兵一千名

交勒禮善統率馳赴達州會同相機剿辦並知會
秦承恩將興安商州等處派駐官兵一千名遴委
將備帶赴漢中於達州太平縣交界之西鄉縣駐
劄以壯聲援亦祇可如此辦理至涼山賊匪不過
數百人勢已窮蹙今在二天門負嵎死守兵力難
施惠齡當派撥妥幹將領帶兵於山下要隘處所
分路堵守令賊匪不能下山竄逸他處况賊匪糧

食僅敷兩月自難日久支持惠齡卽可親身先赴

滋邱與福寧成德等會同合擊將林之華等首夥

悉數殲除彼時如涼山餘匪業經束手就斃惠齡

等皆可前赴永保處幫同剿辦若涼山賊匪尚在

拒守惠齡再以勝兵回赴搜捕此等機宜惟在惠

齡相機籌辦不可一味株守亦不可顧此失彼此

次殺賊陣亡之外委黃恩全著咨部加一等優卹

其受傷之把總楊得陞如傷經平復卽以應陞之
缺陞用倘傷重身故亦著咨部加一等優卹至昇

沅景安所奏儲備軍需嚴防後路等事所辦俱妥

蔡家湖一帶賊匪現在屯聚一處不敢北竄難保

不折回襄樊自應分投兜截畢沅等將駐劄鄖陽

之陝甘兵一千名移駐襄樊可資得力惟當督率

弁兵實力防堵無令賊匪復行竄回滋擾爲要

十二日甲申英善奏言臣前據達州稟報亭子鋪

地方有教匪屯聚當卽親往查辦茲於途次接

據達州所屬東鄉縣知縣張宇陽稟報該縣天

星橋東林河桐油坪白陽樹等處亦有教匪滋

事現在嚴密堵禦等情臣當卽飛飭該縣督同

鄉勇兵役嚴行防守一面兼程前進行抵順慶

府屬之南充縣地方接據達州知州戴如焯等

稟稱該匪等擾至州屬田音鋪一帶焚燒民房
經該州文武督率紳士帶領兵勇往剿該匪竟
敢抗拒九月十七八等日官兵兩次痛剿殺斃
賊匪各數十人先後生擒賊目王添富等五名
當卽正法梟示該匪等業已遁至麻柳場地方
屯聚現在設法圍剿又據新寧縣知縣趙華稟
報於十九日親率外委米兆濟等馳赴達州地

方幫剿先後殺賊一百數十名並將鐵山溝賊

巢燒燬現有兵役鄉勇二千餘名足資防剿查

達州東鄉等處教匪聚眾焚搶急宜剿洗雖經

該州縣等殲斃多名誠恐連界州縣防範稍疎

蔓延滋擾自應分投剿辦

臣

因省標官兵不敷

調遣川省各營官兵存營無幾卽前次所調川

北鎮官兵僅能抽撥數十名前往是以先期飛

飭該處附近各州縣招募鄉勇以資防守並飭

永寧道石作瑞馳赴順慶府協同地方官廣爲

招募臣現在行抵順慶府城據該道等稟業

經募有千餘人皆精壯可用隨派員分起帶領

臣卽日加緊馳赴該處察看情形督率將弁兵

勇分投痛剿其新寧一路出力之鄉勇人等臣

到彼後卽當查明獎賞以示鼓勵仍飛飭達州

東鄉連界各州縣於要隘處所設卡防堵務邊

賊匪竄逸之路再達州東鄉一帶俱與陝省地

界毗連臣業已知會撫臣秦承恩飭屬派撥弁

兵嚴密防禦又臣前准勒禮善知會業經挑選

駐防兵丁八百名以備調用查省城地方緊要

必得重兵彈壓現在各處所募鄉勇足資剿捕

似可毋庸調遣奏入

上命軍機大臣傳諭承保宜綿英善秦承恩日英善
奏續據達州等處稟報辦理教匪情形該州文武

督率紳士帶領兵勇剿殺賊匪多名新寧縣知縣

趙華復率同外委等馳赴達州殺賊一百數十名

並將鐵山溝賊巢焚燬所辦可嘉趙華著各部從

優議敘該處地方文武員弁著英善查明殺賊多

寡各部分別議敘並將出力鄉勇等一併查明獎

賞有異常奮勇者另奏候朕施恩此等邪教匪徒
煽誘糾結實爲可惡現經官兵剿殺已逃至麻柳
場地方屯聚英善務須督率弁兵將賊匪巢穴設
法圍剿搜捕淨盡勿留餘孽至前據秦承恩奏一
經聞信卽親赴漢中派兵防禦現在該處地方是
否寧謐有無賊匪竄往並著該撫卽行具奏英善
秦承恩著各賞給大小荷包用示嘉獎至宜綿此

時已由西寧回省現在川省達州有教匪滋事之
案秦承恩業經馳赴漢中防堵宜綿當探聽信息

如川陝毗連地方有應須添兵防堵之處卽酌量
情形或派撥將弁帶兵前往協助或親赴邊界督
率彈壓自更得力如秦承恩在彼足資防範甘肅
地方亦屬緊要宜綿自當在省靜鎮彈壓不必遠

赴邊界

十四日

丙戌

永保恒瑞景安慶成奏言鍾祥賊匪

自敗竄後向北分東西兩路潛逃

臣

等與至呂

堰驛一帶先將西竄之賊痛加截殺趕緊折向

東路進剿詎東竄之賊亦已乘隙奔至豫省唐

縣邊界之淖河鎮蔡家湖陳家岡一帶地方沿

途裹脅民人設有卡寨詭詐異常遷徙無定意

將北竄唐縣西向南陽新野

臣

等隨卽商令舒

亮等帶兵連夜繞赴唐縣迤南要路截堵又於

唐河西岸派令總兵楊秀等沿河分段防堵查

倉臺西通新野鄧州之區三黃鎮爲北向南陽

要路臣等卽於該處地方分佈營卡與河西之

兵聲勢聯絡正在酌撥官兵併力會剿間有賊

匪分三股前來撲營勢甚兇悍臣等卽分隊迎

敵賊勢不支紛紛敗退臣等亦卽分路追殺忽

聞唐河兩岸鎗礮聲緊臣永保景安帶同總兵

富成等追壓敗退之賊臣恒瑞慶成帶同協領

拉明阿等督兵馳赴唐河策應果有賊匪約二

三千人在唐河東岸排列吶喊搖旗欲衝撲渡

河總兵楊秀等督率弁兵用鎗礮極力擊打又

有騎馬賊匪數十在前涉水競渡適臣恒瑞慶

成趕到督率將弁由河東北向衝殺鎗擊箭射

集三卷之三十一
殺傷賊匪甚多賊隊散亂隨向東南敗竄其騎

馬涉水之賊多被擊斃及臣景安所派之鄧州

鄉勇經叅將廣福等帶領截殺者亦復不少臣

等兩路各追殺十餘里因天色向暮各收兵回

營嗣據舒亮處差弁來報是日亦有賊黨前往

撲營經舒亮等督同弁兵分路路擊退先後各路

擒獲活賊訊據供稱賊匪竄入豫省邊界欲度

唐河窺伺南陽新野唐縣等處不料官兵追來
緊急去路皆被兵勇攔阻不能過去今日分路
前來衝突原想牽綴官兵奪路而走現被殺退
不知他們何往等語餘無要供當卽正法隨差
探賊匪仍由滹河鎮一帶分向東南竄逸查滹
河鎮迤南卽係棗陽地界該處從前多爲賊匪
往來蹂躪非豫省境內可比若厚集兵力四面

兜圍可期一舉蕝事至唐縣新野鄧州緊要邊
界及襄陽之雙溝劉家集一帶要路必須趕緊
分撥兵勇把守以防賊匪復行窺伺並當飛飭
隨州桐柏兩州縣於棗陽接壤處所多集鄉勇
嚴加堵截臣等仍儘現有之兵竭力剿辦斷不
敢因新兵未至稍事遲緩奏入

上命軍機大臣傳諭永保福寧曰賊匪竄至滹河鎮

蔡家湖一帶潛出滋擾雖經永保等分路截殺仍
未能四面兜擒圍剿現在賊匪仍由滹河鎮東南
竄逸恐復至棗陽一帶糾聚焚掠若不速行剿淨
又恐竄往他處蹂躪永保等惟知帶兵尾追所辦
何事看來永保等竟坐待新兵意存觀望計此時
京兵及直東二省之兵自己陸續到齊聲威壯盛
永保等務須自知愧奮鼓勇進剿擒獲賊首以期

立功自贖至福寧已將譚家村賊匪剿散馳赴滋
邱會同成德等合兵進擊帶兵將領自不乏人而
川省達州現有教匪滋擾該處東鄉一帶與陝省
漢中興安二府地界毗連賊匪等經官兵追捕緊
急難保不竄入隣境雖有秦承恩在漢中駐扎彈
壓但恐兵力無多福寧接奉此旨應令新授興漢
鎮總兵何元卿卽赴達州就近可抵興漢本任在

川陝交界地方幫同英善秦承恩協力搜捕以壯
聲威

上又命軍機大臣傳諭秦承恩英善柯藩曰四川達
州亭子舖教匪滋擾本係烏合之衆現經官兵剿
殺自必四出逃竄陝省興安一帶與川省境壤毗
連柯藩現已馳赴漢中與秦承恩會商一切該提
督惟當不分畛域不但堵禦賊匪尤當協同英善

會合夾擊將逃竄潛匿賊匪悉數搜捕務淨根株
再劉之協姚之富係邪教首犯屢緝未獲該犯等
行蹤詭秘雖向在襄陽居住此時湖北省正當剿
捕緊急之時現復添派勁兵前往該犯等得有信
息自更心懷畏懼未必敢仍在該處存留或潛赴
鄖陽漢興商州一帶藏匿冀圖漏網亦未可定秦
承恩柯藩現俱帶兵在興漢一帶距鄖陽較近著

秦承恩密派安幹員弁不動聲色留心躡緝俾要
犯就獲餘黨自必紛紛瓦解不攻自潰矣

十五日丁亥成德文圖奏言十月初五日據派往

板門巖山梁瞭望鄉勇馳報有賊匪三百餘人

各持器械前來窺探路徑臣等一面分起追捕

一面派各營將備由蓼葉口直上臣成德文圖

各帶兵勇由長沖扁擔埡左右抄擊遇賊於沉

香溪山坡我兵鎗箭齊發傷斃賊匪三四十人
生擒二名餘黨紛紛逃竄我兵會合追趕山回

路轉恐有埋伏當令前隊登高瞭望據稱遙見

相隔十餘里之黃羊坡賊匪屯聚紮營約有二

三千人情狀倉惶諒係巴東餘黨被剿逃逸正

擬派撥兵勇潛往探視不意風雨驟至大霧頓

起旣離營盤稍遠又因路徑難辨隨即傳令收

兵回營隨提訊生擒之劉錦秀陳有才二人當
於身上搜出信一封係投鳳凰山賊黨糾約接
引之信查鳳凰山蕩平已經兩月賊匪並無聞
見猶復遣人送信是卡隘防守尚嚴賊巢聲息

久不相通

臣

等前經飭發告示曉諭賊黨恐尚

未家喻戶曉隨將劉錦秀等貨其一死令將原
信送回賊巢復發告示多張備敘兵威壯盛楚

省凡有賊匪起事地方兵到之日勢如破竹一
皆欽遵

諭旨從逆者予以駢誅逼脅入夥者不加深究如果
自行投首卽先給以銀牌鳳凰山已于八月十
八日攻破並未稍留餘孽爾等無可求救務卽
及早悔罪尚有一線生機如此明白曉諭似亦
解散黨餘之一法至黃羊坡地居萬山之中係

歸巴陽樂四屬連界縱橫四五百里路徑叢襍
若賊匪被剿緊急勢必逃往他處反致未經騷
擾地方又受其害且恐滋邱之賊聞風接應前
後難以兼顧不得不稍爲慎重現在飛札福寧
觀成知會移營日期會合夾擊再查滋邱前臨
溪河後倚迎龍山雖可通之路甚多而迎龍山
高峻異常賊匪據以爲險現於山腰山頂周圍

扎卡欲破賊巢必須奪佔此山臣等探視既確

仍隨時密遣細心能事兵勇躡出可以攀援之路稍能進兵卽當督率將備竭力剿辦奏入

上命軍機大臣傳諭永保福寧觀成成德文圖曰成德文圖各帶兵勇追剿賊匪霧雨連綿山徑叢雜恐賊有埋伏暫行收兵回營自不如此持重但閱所進圖內滋邱賊巢在長陽關口之南成德

等現由關口自北而南該處大山重疊道路險峻
賊匪復據高拒守攻剿稍覺費力成德等何不繞
向東邊沿河而西直逼賊巢前據福寧等奏已將
譚家村一路賊匪剿淨現在福寧觀成由何處進
攻滋邱何以未據奏及按圖內方向福寧等官兵
在滋邱之西北進攻賊巢正在滋邱之南圖內繪
有大河一道沿河有路可通福寧觀成應取道河

邊自西而東成德文圖亦取道沿河自東而西兩
面夾擊直搗滋邱則賊匪巢穴已傾其餘賊卡亦
可不攻而潰至賊匪後路各山祇須派兵防堵勿
使乘間竄匿爲要福寧成德兩路何必由山路進
兵登涉欽崎轉使賊匪得以負嵎抗拒特照原圖
粘簽分寄福寧成德等閱看伊等當酌量情形若
能如此辦理豈不易於攻破賊巢一舉集事耶

同日宜綿奏言匹正接准陝西撫臣秦承恩咨稱

探聞四川達州亭子舖地方有匪徒聚衆之事

查達州所屬之太平縣與陝西漢中興安二府

屬毗連誠恐川省追捕緊急竄入境內現經奏

明前赴漢中一帶彈壓堵禦等情又據湖廣督

臣畢沅咨稱鍾祥賊匪屢經官兵痛剿雖已疊

挫其鋒因追逐緊急兵力疲憊賊勢轉張現在

已入豫省之唐縣境內等語

臣

查陝省與漢二

屬與川省達州所屬之太平縣連界巡防堵緝

最關緊要既經撫臣秦承恩親赴漢中督辦諒

可無誤惟商州商南等處緊與楚豫接界山徑

分岐處處可通賊匪既由鍾祥逃散尤虞其四

出奔竄潛入陝境不可不嚴加防範且匪徒滋

擾必須迅速撲滅竊恐川豫二省官兵不敷調

撥現在臣將省中各要件畧爲布置酌調弁兵
卽日親身帶往西安就近探聽信息相機策應
俾賊匪早就肅清奏入

上命軍機大臣傳諭宜綿英善秦承恩曰川省達州
教匪前據英善帶兵前往計已早抵該處現在如
何督兵剿捕尚未據奏到英善務宜趕緊剿辦秦
承恩前已親赴漢中派兵防禦該處與川省毗連

聲息相通現在該處地方是否寧謐有無賊匪竄
往著秦承恩卽行具奏宜綿此時已由西寧帶兵
回至西安正可靜鎮彈壓仍當探聽消息隨時具

奏

欽定剿平三省邪匪方略正編卷二十

丙辰年

十月十七日

己丑

明亮額勒登保德楞泰鄂輝姜

晟奏言

臣

等於十月初四日接准英善咨稱達

州所屬亭子舖有教匪屯聚帶兵馳往剿辦查

達州界連川楚該匪徒等竟於州城附近聚眾

滋事必須趕緊剿捕但川兵半赴黔楚卽提鎮

將領等亦均帶兵在營英善馳往該處止帶省

標兵五百誠恐不敷調派而此間將備兵丁隨

臣等打仗及防守卡隘正關緊要又難抽撥惟

有駐劄隆團川兵鄉勇一千餘名係袁國璜帶

領駐守近日該處苗情尙屬寧靜臣等再四酌

商當飛飭袁國璜卽就川省兵勇內或全數撤

回或抽撥五六百名帶赴達州以資協剿其隆

團地方卽札飭總兵蘇靈張廷彥將袁國璜所

駐營卡通融撥兵慎密防守自可無虞踈懈奏

入

上命軍機大臣傳諭英善秦承恩袁國璜曰達州教
匪不過烏合么膺英善帶兵前往此時自己早抵
達州務須上緊剿辦所有拏獲賊匪除首逆外俱
著立時正法不必輾轉究訊以致稽誅再前據英
善奏將勒禮善挑備駐防滿兵八百名停止前往

看來該處賊匪易於撲滅此時袁國璜想已起身
如該處賊匪業經剿辦完竣英善卽咨會袁國璜
仍回楚南若尙未剿淨卽令該鎮迅速前往協剿

十九日

辛卯

畢沅奏言前因唐縣陳家岡一帶屯

聚賊匪經北路官兵追躡誠恐折回襄樊一路
查有陝甘督臣宜綽預備策應兵一千名駐劄
鄖陽邊界應卽移來爲後路之用嗣接川省達

州地方教匪勾結滋擾之信該處山徑叢雜且

與陝境毗連前項策應兵丁自應留爲該省防

守不便移動當已札會宜綿秦承恩卽行停止

並查探唐縣賊匪經永保等分投截殺現在屯

聚棗陽境內唐子山一帶此時京營及直隸山

東兵陸續到營永保等現在布置圍剿賊衆雖

暫時負嵎俟各起官兵齊集便可一鼓蕺事惟

准永保札知隨州西北邊界境接棗陽甚關緊

要該州僅止鄉勇防禦究難全恃臣因武漢地

方現甚寧謐隨將前留防守之江西兵五百餘

名調赴隨州派令江西叅將花連布帶領擇要

拏卡庶堵禦益加周密至襄樊一帶卡隘林立

臣與副都統成德等親督各員并無分晝夜嚴

密巡防斷不敢稍有疎懈

畢沅汪新又奏言湖北白軍興以來已逾半載

前奉撥發內帑銀四百萬兩分貯楚豫二省備

用緣各軍營招募鄉勇賑濟難民兼之撫卹災

區估勘堤工各項陸續動支統計存銀不滿一

百萬兩查襄陽一路現有京營直隸山東勁旅

前來合剿各路官兵俱已會集兵多用廣凡支

發餉項製辦軍需並隨營人夫馬騾均須寬給

價值方可應手而被賊被水災民尤應及早加
賑俾沾實惠需費浩繁惟有仰懇

天恩勅部臣酌撥銀二百萬兩迅解楚北以濟要需

庶免臨時缺悞

同日惠齡奏言前因涼山賊巢高險我兵難於
仰攻設法斷其水道當委員弁趕鑄千觔銅礮

二座相機轟擊茲礮位業經鑄成臣卽日率同

關騰先福等親赴賊人取水對山安設一位對
准演放雖相隔六七里竟無虛發隨委守備李
成等督率兵勇看守一見賊來取水卽行擊打
當於是夜及初八日打死取水賊人三名尙有
大礮一尊臣令安設西南山上連日轟摧已將
賊巢西南一帶牆屋間段打塌賊匪已大半移
向山後於樹木叢雜山巒遮蔽之處搭蓋草棚

居住其二天門等處賊卡刨坑據守並將稍可

攀援之路一概挖斷堆積滾木擗石待官兵將

近肆行推故臣思賊人前因霖雨積水今天已

晴霽若能將山腰水泉設法填塞自可不攻而

潰臣與關騰先福等再四籌畫惟有將官兵分

爲兩路佯示欲從山前齊上賊匪自必分投抵

禦一面另遣官兵伏於水泉山下俟其不備攀

陟潛行可以乘機斷截當於初十日派委副將

張持道員先福等分路從山前進發復派前鋒

校倭什琿等帶領兵勇埋伏泉源山下

臣與關

騰分爲左右接應截水官兵是夜我兵於山前

分燃火把照耀滿山並齊聲吶喊鎗礮並施賊

匪果於山巔拋擲火毬亂石我兵視其抗拒方

張之時少行停待賊匪簇擁欲前齊向我兵推

滾木石是時倭什琿等已帶領兵勇攀附而登

直至泉所將大石堆填水坑巢內賊人業經知

覺蜂擁前來臣隨與關騰親督兵勇分路上撲

鎗箭齊發賊匪恃其居高下瞰拋擲石塊拚命

抵拒臣飭官兵不得賊人水泉不准撤退我兵

身冒矢石奮勇直上連斃數人始將賊匪殺退

隨將泉眼用石填塞賊人復從山上推滾大石

以致官兵受傷稍多且該處山勢陡峻不能紮
營當卽陸續撤下隨相度形勢安設冷卡數處
日夜把守耑等賊人偷汲卽便攔擊其前山各
官兵與賊相持竟夜行營把總張經庭見賊稍
懈卽從樹林翳翳處潛至賊卡推落鐵礮一座
隨被石傷左脇滾落山崖爲官兵救起現仍四
面圍住不敢一毫疎懈查此次官兵搶佔水道

奮不顧身受傷者不少臣患齒於率兵搶水時

左膀誤中石傷關騰腰腿亦受石傷守備林朝

輔胸受石傷均不甚重再查成德等帶兵二千

餘名在滋邱剿賊雖經屢有斬獲賊匪未敢鴟

張但該處山路分歧動須堵截臣業將派在歸

州堵截之江西兵七百名令其馳赴滋邱以壯

聲援並聞福寧等亦統兵自巴東追剿而來臣

於數日內將此地賊匪剿滅卽行馳往滋邱會
同搜捕以淨賊氛

同日汪新奏言查鍾祥屯賊經官兵痛剿竄赴
棗陽唐縣交界焚掠覓食現在向北奔趨仰蒙
皇上簡派京營及直隸等省兵六千名星馳赴剿賊
匪聞風震聳斷不敢直向北趨而西面襄陽宜
城等處經督臣畢沅厚集兵勇處處嚴防賊匪

亦不敢再圖西竄其南面之鍾祥縣境臣於前

月杪親馳歷勘各卡防禦頗嚴目下永保恒瑞

等統兵緊躡賊匪勢不能復竄鍾邑惟東南隨

州地方接近德安郡境民物豐阜賊必心生窺

伺且州境大洪山綿亘數十里地僻多隘恐易

竄入臣先經檄委漢黃道張道源馳駐該州多

募鄉勇分防要隘恐尙不足資堵守伏思前調

江西兵五百餘名因孝感賊平留駐省城彈壓

臣現已札商督臣飛調馳赴隨州其應於何處

駐紮及大洪山逕作何堵截之處臣卽馳赴該

州親加相度與該統兵官面爲擇定至現在續

派兵到需用軍火糧餉帳房鑼鍋等項業經次

第籌辦惟火藥未甚充裕現已札商督臣迅咨

山東等省速行籌解濟應均奏入

上命軍機大臣傳諭永保畢沅惠齡汪新伊江阿曰
此次官兵乘夜進攻賊人於山上拋擲石塊並推
滾木石以致官兵受傷惠齡關騰及守備林朝輔
俱受有石傷實屬不遺餘力此時諒已平復殊爲
廑念惠齡著賞給金盒大小荷包關騰亦著賞給
大小荷包守備林朝輔及其餘受傷員弁俱著咨
部議敘兵丁賞給一月錢糧其陣亡並因傷身故

者俱著咨部優卹嗣後惠齡等究宜稍加持重前
已節降諭旨令酌派將弁將涼山各要隘安兵防
堵不使賊人乘間逸出惠齡卽酌帶弁兵先赴滋
邱與福寧成德等會剿現在涼山賊匪斷絕水道
不能久支惠齡卽遵前旨派令弁兵嚴密堵截賊
匪下山之路速往滋邱福寧等統兵自巴東星赴
該處自西而東伊等卽取道沿河自東而西兩面

夾擊無難一鼓蕩平再畢沅等恐唐縣附近之賊
竄往隨州將前調之江西兵五百名調往防堵所

辦尙好至火藥爲軍營利用自當寬爲儲備昨據

伊江阿奏已另備火藥三萬觔解赴湖北軍營此

時自已解到著傳諭伊江阿再行寬爲購備並著
注新就近咨催原行省分幫同備辦速行解往

上諭內閣曰湖北現辦軍需等項用款甚多著於部

庫內撥給銀二百萬兩並著梁肯堂委員赴京領
運至河南交界地方景安委員接替前進運赴襄
陽交畢沅等收領勿得遲悞

同日哈密幫辦大臣佛住奏言竊

臣蒙

恩派往哈密與僧保住協同辦事隨自京起程十月

初八日行抵西安聞四川達州等處有邪匪滋

擾英善業經帶兵前往剿辦伏思

臣

係前任成

都副都統尙知彼處情形擬卽由此趕赴達州
協同英善將賊匪剿滅後再赴哈密奏入報

可

三十一日癸巳秦承恩奏言查漢中府之西鄉興

安府屬之安康平利紫陽等縣延袤千餘里或

緊接川省太平縣境或旁通達州地方徑雜路

歧臣現酌撥弁兵分赴各縣防守要隘並雇募

精壯鄉勇自七八十名至二三百名不等擇令

勤謹紳耆管領晝夜輪查頗爲嚴密惟安康縣

之滔河地方向多川民寄居尤爲緊要隨派委

遊擊鍾岳會同署孝義同知葉文麟帶領撫標

兵二百名前往青崖溝巡查堵截並派都司蕭

福祿酌帶涼州兵丁在於磚坪總口駐劄策應

茲據鍾岳稟稱十月初六初七等日據鄉民程

廷珍等探報有川省邊境遊匪夜行晝伏結隊
來境帶有長矛過山鳥等潛集火鳳山下當卽
分撥兵役鄉勇四面圍住該匪等持矛抗拒遊
擊鍾岳帶同把總孫奉朝督率剿捕鎗箭齊發
殺死賊匪一百餘人擒獲首犯甯學成一名解
府訊明係東鄉縣人由達州竄逸欲至陝境勾
人入夥當卽正法梟示本境民人無不稱快甚

傳改悔之人剴切曉諭如有川匪來境煽誘自行擒拏送官或指引兵役捕獲定卽重加獎賞茲查赴營報信之程廷珍卽係先經入教改悔具結之人因川匪勾伊入夥力拒不從卽挈家投出報信俾匪徒速就殲除可見愚民具有天

良_臣當卽酌給頂戴優加獎賞以爲衆勸

同日福寧觀成奏言_臣等剿捕榔坪賊匪從野

山河進兵焚燒賊巢生擒賊目惟賊首覃加耀
尙未擒獲亟須乘此得勝兵威趕緊前進行至
金廂坪地方忽值連日陰雨迷漫山路紛雜恐
逆匪詭詐多端潛糾惡黨暗伏山溝巖洞擾我
後路且師行糧隨山高路險轉運維艱是以一
面派委兵將搜捕匿匪一面安設糧臺臣等一
路搜殺零匪直抵瓦屋塲地方探有三路可以

分兵進剿至秀峯橋卽爲會合總路當派都司
何天標帶領兵勇在金斗坪扼住要道鎮臣慶
溥取道榔坪再將賊人初聚巢穴搜捕以免藏

伏^臣等率同鎮臣諸神保等從天門坡前進山

勢陡險當卽鼓勵兵勇一擁而登賊人猝不及
防我兵砍破賊卡賊人隨卽奔逃被我兵追殺
殆盡隨探得秀峯橋東有賊卡四五處佔住山

坡當卽整頓兵力連夜前進襲其無備維時慶

溥亦帶兵前來會合臣福寧帶領諸神保等自

左橫衝臣觀成帶領慶溥等由右而上使賊匪

彼此不能相顧該鎮將弁兵等奮勇爭先鎗礮

齊發立將賊卡五處一齊奪佔殲賊不可勝計

生擒夥匪鄒義光等六名訊據供稱此處地名

係小峯埕爲滋邱緊要門戶山勢更爲險峻賊

首覃加耀在譚家村被官兵打敗纔到滋邱與
林之華合夥現在分撥夥匪在彼固守等語當

將該犯等正法梟示暫息兵力現在相度形勢

躡探路徑或繞出其後或從旁路虛張聲勢使

賊驚疑一有機會可乘卽帶兵奮剿倘攻克小

峯埡則我兵更得聲勢去滋邱漸近再行逐節

進逼迅抵賊巢卽可與將軍成德會合兩面夾

擊再^臣等自宣恩恩施建始巴東逐處攻剿已

入長陽縣境內道路愈遠所有轉運糧餉軍火

最關緊要必須大員妥爲經理現委施南府知

府法克晉往來督催其隨營收發糧餉料理一

切添令候補道依精阿知府趙秉淵總司其事

以期無悞

福寧觀成又奏言川省達州東鄉等處邪匪滋

擾臣等准英善知會帶領省標弁兵前往剿辦

又據川東道李憲宜夔州協副將富明阿稟稱

率領官兵由開縣分投進剿於九月二十六七

等日將開縣之三漚口東鄉縣之田家營等處

賊匪剿殺多名其開縣之木箐一路賊匪亦經

重慶中營遊擊愛隆阿等剿殺淨盡惟東鄉縣

之萬鍾溪劉家溝達州之麻柳場等處尙有賊

匪二千餘人肆出焚搶勢甚猖獗該道協等督

同官兵迅往各該處剿捕等語臣等卽當飛飭

分帶弁兵多募鄉勇上緊撲剿約計此時英善

早已到彼諒此烏合么臍定可尅期撲滅

同日宜綿奏言臣前接撫臣咨會當卽以西鄉

等處與川省之太平縣連界飛札興漢二屬文

武各官嚴密堵禦其與川省連界之紫陽平利

集三卷牙目之學上卷之二
安康各屬一體分兵防守布置已爲周密惟楚

北賊匪竄匿豫省之唐縣地方前准湖廣督臣

畢沅咨調陝省官兵一千赴襄守禦臣查商州

商南等處緊與襄陽浙川接界所有前派防守

兵丁除派赴楚省鄖陽等處防守外其餘興安

一千名現有防剿川匪事宜未便輕於移動臣

於未起行之先酌調甘涼等標各營官兵以資

接濟但行走需時未能尅期齊集隨先帶臣標

兵丁一千名星馳就道不日可抵西安偵探信

息順赴商州一帶相機策應其襄陽等處需兵

防堵之處俟所調各兵到齊再爲酌量派往均

奏入

上命軍機大臣傳諭宜綿福寧觀成秦承恩曰秦承

恩奏川省達州匪徒欲赴陝省勾人入夥經鄉民

程廷珍等報知官兵於火鳳山下將賊匪四面圍
住殲斃一百餘人擒獲首犯甯學成審明正法所

辦尙好程廷珍前曾入教經秦承恩出示化導挈

家投出此次經伊報信並指引官兵殲擒多賊可

見愚民具有天良地方官若實力勸導自無難化

莠爲良程廷珍著賞給七品頂戴並賞銀一百兩

俾向從邪教之人相率悛改不致再爲賊匪煽惑

賊勢益孤更易集事至宜綿帶兵親赴商州一帶

防堵賊匪自無從他竄但達州賊匪不過烏合之

衆似可不致大辦湖北現有新調各兵六千河北

兵一千到彼儘足敷剿賊之用甘肅地方亦關緊

要著宜綿酌量情形如達州剿捕將次完竣陝省

邊界無須防堵宜綿可卽將酌調之甘涼等標各

兵飛速停止以省勞費而重地方又福寧等奏搜

剿賊匪佔據秀峯橋卡隘並分路前進奪獲賊卡
五處殲賊無數亦屬可嘉福寧觀成及總兵諸神
保慶溥何元卿著各賞給大小荷包出力將弁等
咨部議敘打仗各兵再賞一月錢糧以示獎勵至
小峯埕在滋邱之北山高萬仞由彼進攻未免攀
涉維艱著傳諭福寧等仍遵前旨取道沿河或於
小峯埕一帶酌安兵丁虛張聲勢使賊匪仍在北

面拒守不防官兵繞道沿河東西並進更可出其
不意直抵滋邱賊巢旣破則其餘賊匪自必不攻
而潰福寧等務當熟籌妥辦

二十三日 乙未 永保恒瑞景安慶成舒亮奏言 臣

等督兵分路至滹河鎮當將蔡家湖陳家崗等
處賊屯盡行焚燒賊衆卽竄至棗陽縣之東北
太平鎮袁家寨錢家岡一帶散屯該處西北通

唐縣桐柏東連隨州路徑叢雜易於分竄查賊

匪直趨豫境本欲窺伺南陽新野鄧州臣永保

等帶領弁兵趕到與臣景安先將各要路派撥

兵勇嚴密堵截節次剿殺逆賊紛紛敗回未敢

深入滋擾豫省得以寧帖今賊匪雖在棗陽東

北屯踞倘官兵追壓緊急勢必分投竄逸剿辦

轉致費手臣等熟商先於豫省邊界及桐柏縣

要路相度地勢分布官兵扎營設卡嚴加防堵

並添派弁兵馳赴棗陽縣城令都司王化龍協

同該縣小心防守又臣景安奏調原駐河北之

山西弁兵撥赴唐縣東南一帶山路要隘堵截

其隨州邊界經督臣畢沅撥派江西官兵在彼

防守日內據各卡弁兵陸續拏獲賊匪探信之

人審訊皆稱賊黨經官兵截殺不能前往南陽

等處今雖向東南奔竄尙無一定去向等語臣

等連日帶領巴圖魯侍衛奮勇將弁馬兵察看四

面進兵道路并於各要口往來搜查以遏賊匪

竄逸之路一俟新兵到齊臣等趕緊分布四面

併力剿洗

同日英善奏言竊臣於初一日行抵達州查亭

子舖距城五十里幸賴雷音舖隘口堵禦甚緊

賊匪不能窺伺州城連日在麻柳場等處滋擾

勢甚猖獗臣相度形勢必須先將此路掃除則

東鄉之賊自必聞風震懾茲於初四日派都司

羅定國帶領兵勇四百名繞赴東鄉地方堵截

萬鍾溪一路賊匪不使竄逸入夥隨於初五日

密派叅將佟貴遊擊范楸各帶兵勇三百名由

兩邊山徑分路進發臣親督叅將盧廷璋卽由

集三子牙臣之卷之二
三
雷音鋪大隊前進至甘草壩卽有賊匪抗拒官
兵奮勇向前奪佔木城一座殺賊十餘名餘俱

竄回亭子鋪我兵乘勝追截適佟貴范楸兩路
並到已將火彈拋入亭子鋪將房屋燒燃賊匪
四出抗拒我兵不避鎗石蜂擁直前鎗斃執旗
賊目一人餘衆四散潰逃官兵分投追趕殺賊
一百餘名生擒十二名時已昏黑前面風峒口

山勢險峻樹木叢雜有賊匪數百人紮卡接應

不便窮追亭子舖地勢平坦難以劄營一面將

該處搜得賊糧衣物等件分賞兵勇卽令各兵

撤至甘草埡山梁拏卡駐劄查訊擒獲活賊內

有賊曰張居式一名乃達州差役王國學所擒

係首逆徐添德派守亭子舖之頭目訊知熊泳

霞乃徐添德胞弟徐添壽之徒並非首逆現在

麻柳場汪家山袁家石壩均爲賊衆屯聚之所

統計共有男婦大小一萬餘人半皆被逼脅從
能打仗者實祇三四千人原與東鄉一夥相約

起事冀圖赴楚入縣因東鄉堵禦甚嚴未能竄

出臣於訊供後立將張居式凌遲處死其餘活

賊黃登甲等十一名亦卽斬決梟示至東鄉天

星橋萬鍾溪一帶賊匪先經臣飛飭川東道李

憲宜卽由巫山就近酌帶兵勇前來協剿現據
該道稟稱會同夔州協副將富明阿帶領兵勇
由開縣直趨三匯口木箐已將開邑邊界竄逸
之賊殲獲殆盡而萬鍾溪等處賊匪俱屯踞豐
城場尙復搶掠滋事臣現飭該道等率同都司

羅定國設法剿捕再查東鄉達州兩處難民並
逃往隣境州縣者均經臣委員分別查明撫卹

自不致於失所附近州縣各派鄉勇於要隘堵禦極爲嚴密城鄉百姓安業如常有安徽州同

杜茂材係達州人因解餉來川告假回籍省親

正當賊匪滋事該州同一人倡義邀約生監鄉

勇一千餘人在景市廟一帶堵禦賊匪殲獲甚

多最爲出力再查麻柳場巡檢朱向隆因聞該

管境內距新寧交界之鐵山溝地方於九月十

八日亦有教匪滋事該巡檢聞信卽親往知會
新寧縣文武帶領兵勇立即撲滅正欲轉回而
麻柳場已被賊匪搶佔該巡檢雖在鐵山溝打
仗殺賊其疎失之咎實所難辭臣已將該巡檢
擄去頂戴令其在營帶罪立功以圖自贖

英善又奏言正繕摺間接據川東道李憲宜稟
報東鄉豐城場賊匪勢甚猖獗該道所帶兵勇

不敷進剿本處鄉勇遇賊卽散實不可恃又據

太平縣文武稟報縣屬清石溪亦有賊匪數百

人扯旗放礮燒搶民房現在督率鄉勇堵禦等

因均各請兵協剿前來查

臣

所帶省標兵五百

名大半俱係新兵各處所募鄉勇究不足恃以

之進剿達州賊匪兵力已覺稍單實難再行分

撥若逐節剿辦又恐爲時稍緩轉致賊勢蔓延

除一面飛咨副都統勒禮善將前次密備之駐
防滿兵八百名派令曾經出師之協領佐領等
數員星夜帶領前來以資調遣省城地方緊要
不可無大員彈壓勒禮善可以不必親來至達

州所屬均與陝界毗連而太平爲更近

臣

先經

咨會撫臣秦承恩嚴密防堵茲據札覆該省兵
亦不敷已飛咨督臣宜綿於甘省各營內酌撥

備調該撫亦卽馳赴漢中一帶堵禦臣現又飛

咨秦承恩酌量情形若能分出陝兵一千名或
數百名由太平一路前來會剿更爲得力均奏

入

上命軍機大臣傳諭永保宜綿福寧英善秦承恩曰
蔡家湖一帶賊匪聞新調官兵將到心懷畏懼卽
向南奔竄豫省已無賊匪現在京營及直隸山東

兵日內可全數到齊永保等一路本有兵八千名

又河北兵一千名亦早經調往今又添新到兵六千名共一萬五千名軍威壯盛況健銳火器二營

兵丁最爲趨健卽直東二省官兵亦皆勁旅現在

劉之協姚之富二犯自己竄往棗陽一帶賊營屯

聚永保等務須趁此兵威設法生擒殲除賊匪倘

再任其竄逸尙復有何顏面至英善帶領官兵於

甘草埡遇賊打仗雖奪佔木城一座殺賊一百餘名生擒十二名而其餘黨仍逃往麻柳場一帶尙

未剿淨所奏亦不明晰其所稱東鄉縣之豐城場

太平縣之清石溪亦有賊焚掠滋擾飛咨勒禮善

將前調之滿兵八百名派員帶領前來一節前曾

據英善奏所帶兵丁及鄉勇等足資剿捕請將勒

禮善所備滿兵停止未免大意此項滿兵若早經

起程日下已早可到彼乃英善遽行停止今又飛

咨檄調豈不耽延時日嗣後務宜留心斟酌不可

再涉大意又據奏安徽州同杜茂材解餉告假回

籍卽能邀約生監鄉勇千餘人禦賊出力杜茂材

如果始終奮勉卽咨會安省以應陞之缺陞用至

英善於預備滿兵一節忽停忽調殊無把握恐難

深恃著傳諭秦承恩柯藩卽探聽情形如該處剿

捕事宜英善勒禮善未能妥速辦竣卽當帶兵前
赴達州東鄉一帶會合剿辦昨據宜綿奏已帶兵
一千名前往商州一帶防堵如秦承恩柯藩已赴
達州漢中邊界亦不可無大員彈壓著宜綿卽前
往漢中於川省達州等處交界處所駐劄以備策
應如達州等處教匪已經剿散間有一二竄逸之
賊則英善勒禮善足資搜捕秦承恩柯藩仍卽回

漢中駐劄堵拏宜綿亦卽可轉回再英善奏稱鄉
勇遇賊卽散究不可恃等語鄉勇人等未經行陣
因無官兵在前猝與賊遇未免心怯退縮此時諒
額勒登保前次所派之袁國璜等自己帶兵行抵
達州鄉勇人等見有官兵聲勢而袁國璜曾經軍
旅復加之鼓勵則兵勇齊心協力奮勇剿捕豐城
場清石溪二處之賊自無難以次剿除

卡官兵嚴加防範臣文圖當卽撥兵五百名攜

帶乾糧於十三日戌刻起程並不攜帶帳房使

瞭望之賊無由窺破連夜繞道行走於十四日

酉刻抵張家口見滋邱賊巢火光燭天知係賊

人破釜沉舟之計卽帶兵勇馳赴河沿賊匪約

有五六百名正在搶渡出其不意施放連環鎗

擊斃百十餘名生擒賊黨胡宗榮劉應祿等十

集三才圖會卷之二
三名賊匪紛紛退回四竄臣文圖提訊胡宗榮

等據供滋邱賊匪約萬餘名林之華等因關口

巴東兩路官兵圍攻緊急難以固守素知黃柏

山險峻異常其上川原平衍糧食充足柴水更

爲便適是以分路偷渡先佔黃柏山爲退步迎

龍山滋邱尙有賊匪抵擋關口官兵小峯堙黃

羊坡一帶現有賊匪抵擋巴東官兵十二等日

偷渡之賊必已屯聚黃柏山等語當將該賊匪

全行正法查滋邱南岸此時最關緊要

臣

文圖

與黃瑞兩處兵勇不及千名雖黃柏山相距僅

十餘里未便冒昧進攻卽駐紮長陽長樂兩縣

相通之長嶺以扼滋邱黃柏山兩處賊巢要隘

俾聲息不致相通

臣

成德於十四日亥刻接准

福寧觀成札知訂期是夜五鼓進攻當卽帶領

兵勇裹帶乾糧連夜行走十五日午刻抵迎龍
山直撲賊卡賊人鎗石齊發拚命抵拒我兵並
力攻擊殺死賊匪多名墜岩跌斃者不計其數
生擒賊黨四名隨將迎龍山奪佔時滋邱賊匪
聞聲過河奔竄又經文圖黃瑞等督率兵勇殲
斃無算臣等務與福寧觀成熟籌兜擒之策趕
緊剿辦以期早淨根株奏入

上命軍機大臣傳諭福寧觀成惠齡成德文圖曰成

德等奏稱訊據獲犯供稱林之華等因關口巴東

官兵圍攻緊急分路偷渡先佔黃柏山爲退步等

語查閱圖內滋邱之南有清河一道而上下滋邱

之中及青岡坪之東均有支河一道此次賊匪偷

渡是否卽係清河抑係支河摺內未據聲敘而黃

柏山獅子巖地名前此圖內亦未經繪入殊未明

晰著另繪一圖詳晰開載各地名並分色粘簽貼
說進呈文圖一聞賊匪偷渡卽刻繞道馳往張家
口殲賊一百餘名拏獲活口十二名成德亦由迎
龍山直撲賊卡殺賊多名均屬可嘉著各賞給大
小荷包火鑷包打仗出力兵丁均著賞給一月錢
糧以示獎勵

二十六日

戊戌

福寧觀成奏言

臣

等急欲進至滋

邱與成德會合早殲逆匪而小峯堦之賊率衆

屯聚官兵必須由彼經過該處峯巒陡削一線

羊腸形勢極險賊匪四面設卡固守臣等熟籌

必須從旁路暗設襲擊之計方能制勝隨密遣

諳練弁兵帶同熟識路徑之鄉勇頭人等躡探

路徑隨據稟稱探得秀峯橋至小峯堦有兩處

小路可通臣等公同密商臣福寧率同諸神保

等帶領官兵從黃楊坡一路而進臣觀成率同

慶溥等帶領官兵從馬沙溪一路進攻同時併

發十五日丑刻臣福寧觀成行抵小峯壠前面

向上仰攻臣諸神保慶溥從旁路會合攀援而

上鎗箭齊發搶上山巔賊人中鎗著箭者甚多

我兵乘勢將各卡焚燬奮勇追殺伏路弁兵亦

併力截殺剿洗一空生擒賊目等二十六名搜

獲包穀糧米及刀矛器械當卽分賞出力兵勇

隨提賊目夏士隴等嚴加刑訊據稱係林之華

覃加耀派來小峯壩設卡拒守餘無要供當卽

正法梟示再查川省達州一帶邪匪滋擾

臣等

聞報之初因正當剿捕榔坪賊匪喫緊之時且

兵力無多難於分撥至成都省城兩司俱在軍

營祇有英善勒禮善在彼是以

奏請調派滿兵交勒禮善帶領馳赴達州剿捕嗣
准英善來咨業已帶兵前往今詳察事勢達州

東鄉之賊昨據川東道李憲宜等稟報開縣之
三滙口木箐二處已經剿殺淨盡近日亦未接

據告急之稟或者賊鋒已挫英善到彼竟已一

鼓肅清亦未可定至_臣等刻下雖已攻克小峯

壩而滋邱之賊尙復不少成德帶兵無多不敷

剿捕臣觀成此時若分兵前往達州則辦理滋

邱逆匪轉恐稍稽時日臣等公同熟商現擬卽

日進逼滋邱與成德會同夾擊將賊人痛加殲

戮擒獲首惡維時酌量成德兵力察聽達州邪

匪如尙未殄平卽前往會同英善剿捕早靖地

方

同日宜綿奏言臣趕抵西安省城接秦承恩來

札轉准英善來咨以川省東鄉太平等處俱有

賊匪滋擾奏調陝兵一千名由太平前赴達州

協剿等情臣查安康縣之滔河等處現有川匪

潛入生事雖經撫臣前派官兵截殺誠恐其黨

與復來煽誘且川省現在需兵會剿必須迅速

撲滅以免蔓延臣所調之西寧鎮兵一千名涼

州鎮兵七百五十名俱已將次到齊及臣現帶

之本標兵一千名飭令肅州鎮臣索費英阿等

分起帶領由南山小路取道前進臣親身統領

馳至興安由太平縣沿途剿捕前往達州與英

善會合攻剿務期將賊匪掃除淨盡撫臣秦承

恩提臣柯藩仍分駐興漢各要隘督率堵剿不

使賊匪闖入其商州商南一帶逼近楚豫誠恐

京兵一至逆匪或奔竄潛入陝境亦不可不添

兵防堵臣復飛檄前調之河州鎮兵五百名甘

州提標兵一千名催僭速進酌派勇幹將備帶
往商南一帶嚴密防守均奏入

上命軍機大臣傳諭宜綿福寧觀成惠齡成德曰小
峯堙賊匪設卡拒守福寧等督率官兵分路進剿
不避危險攀援而上將各卡焚燒賊匪剿洗一空
生擒賊目等二十餘人所辦可嘉福寧觀成著各

賞大小荷包火鑷包其鎮將等均著咨部議敘兵
丁賞給一月錢糧以示獎勵小峯堽爲滋邱門戶
今旣攻克將賊匪剿盡則滋邱之賊失其險要自
必益就窮蹙福寧等卽可乘勝竄入進逼滋邱與
成德等會合夾擊剿洗淨盡此時觀成自未使前
赴達州致分兵力總俟滋邱賊匪剿竣後察看情
形如達州教匪尙未剿淨福寧觀成等自當酌分

一二人移兵速赴達州會剿又宜綿奏甘省所調各兵將次到齊宜綿卽統領馳赴興安由太平縣沿途剿捕前往達州與英善等會合攻剿等語昨以秦承恩柯藩已赴達州漢中邊界亦不可無大員在彼令宜綿就近前往漢中於川省達州交界處所駐紮以備策應今宜綿旣經帶兵由太平前赴達州於剿辦自更得力仍著宜綿探聽信息如

如達州教匪已經剿竣宜綿自當於漢中西安一帶駐紮彈壓不可貪功涉遠以致顧此失彼

二十七日己亥惠齡奏言查滋邱賊匪屢經成德

等將撲卡匪徒痛加剿殺現俱負嵎抗拒未敢

潛出滋擾其譚家村一帶之賊亦經福寧等殲

戮殆盡賊首覃加耀負傷逃竄諒必來至滋邱

與林之華合爲一處當此賊情惶遽之時臣若

能帶兵馳往似屬更有裨益惟是涼山之賊卽

係林之華黨與昨經臣將其水道填塞並將新

鑄大礮在山前對准賊巢轟催迨十七日有賊

一百餘人蜂擁下山其在前者執持門扇木板

攔拒礮子在後者各携刨土貯水器具意欲搶

至泉所取水臣當令關騰等督率兵勇一齊繞

路趕上鎗箭並發賊亦放鎗拋石臣見賊匪多

在水泉處所正好乘此機會立搗巢穴當率同
先福等親帶官兵飛赴山前直攻馬王廟賊卡
賊匪一見我兵將到羣起抗拒烏鎗石塊如雨
而下我兵一面用牌遮護一面施放烏鎗奮不
顧身直至濠溝候補都司林朝輔帶領兵勇跳
越而過連殺數人賊匪抵敵不住棄卡向上奔
逃我兵隨後追殺又斃二十餘人生擒賊目龔

士綱鄧有木鄧大畏等十五人其餘逃入二天門卡內是時天色已晚山路愈陡未便冒險仰

攻隨就馬王廟紮營其取水之賊聞得官兵進撲賊巢羣思保守飛奔回山經關騰倭什琿等

率領兵勇鎗礮擊斃十數人生擒胡國士王廷秀等七人奪獲取水器具五十餘件仍派兵勇

伏於冷卡嚴加看守臣隨提龔士綱等訊問並

無要供當將各該犯分別凌遲梟示

臣

思目下

涼山賊匪勢已萬分窮蹙設

臣

舍此而去恐官

兵因董率無人稍生觀望於事無益正當乘此

機會趕緊撲滅再行馳赴滋邱與福寧等三路

會商相機剿捕奏入

上命軍機大臣傳諭惠齡文圖曰涼山賊匪現已萬分窮蹙數日內即可直搗巢穴惠齡若舍此而去

官兵董率無人未免於事無益自應先滅此處賊
匪再剿滋邱惠齡並不拘泥前旨所見甚是著交
部議敘仍再賞給大小荷包火鏢包以示優獎候
補都司林朝輔跳越賊卡連殺數人賊匪棄卡奔
逃官兵等隨後追殺二十餘人生擒賊目十五人
林朝輔實爲出力著賞果勇巴圖魯名號卽以遊
擊陞用現在賊巢祇有涼山二天門兩處其餘要

隘處所俱經官兵堵截而賊匪取水之路又經斷
絕賊勢益窮想此旨到時惠齡早已將該處賊巢
洗蕩前往滋邱昨據福寧等奏官兵已攻克小峯
埡要卡若惠齡再帶兵前往與成德會合知會福
寧等兩路夾擊無難一鼓集事

二十九日

辛未

永保恒瑞景安慶成奏言

臣

等連奉

諭旨令將首逆劉之協姚之富跟蹤務獲伏查逆匪

滋事之初爲首者原非一人到處聚衆成羣各執白旗爲號自數百人至數千人不等以糾合

人數多者稱爲大頭目人數少者爲小頭目彼

此黨援並無統率姚之富亦祇逆匪中執旗之

一人卽如節經被鎗礮擊斃之韓小老等十二

名又被生擒梟示之呂希占等九名皆係賊中

執旗頭目今賊匪裹脅復多糾結未散亦因姚

之富等怙終煽惑所致若悉數成擒其黨與自

必瓦解至劉之協一犯臣等歷經查訊賊中雖

有知其名者均稱並未親見其人但賊情狡詭

難以遽信或該犯自知罪大惡極更姓改名潛

藏賊中爲孽或實在竄匿他方均未可定臣等

思劉之協係江南人口聲與楚音迥異倘在賊

中指日大兵齊集將各賊目一一拏獲無難識

別指實根究下落一面移咨楚豫兩省嚴密查

拏至_臣等督兵將蔡家湖一帶賊屯盡數燒燬

賊匪竄至太平鎮等處又分草店清涼寺劉家

寨一帶散屯因連日雨雪交加天氣寒冷道路

泥滑未能遠竄_臣等已於西北面唐縣新野桐

栢各要隘分布官兵嚴密堵截又雙溝一帶_臣

恒瑞及總兵王文雄帶領弁兵密往堵截以遏

賊衆西竄之路其南路一面必須撥兵兜剿俟
新兵陸續到齊_臣等卽酌帶勇幹鎮將弁兵抄
繞兜截四面進攻以期迅絕根株

同日福寧觀成奏言_臣等攻克小峯堦賊卡後

隨將附近之海棠堰牛駝背等處派撥弁兵搜
捕餘匪嚴防後路布置停妥當卽移師前進途
次接據護宜昌鎮臣黃瑞稟稱該鎮祇帶兵三

百名堵截張家口沿河一帶綿長六十餘里兵力實形單薄茲於十月十二日五鼓賊匪數千三路蜂擁竟撲鄉勇所堵之大嶺王家灣獅子巖等卡相距張家口二十餘里該署鎮聞報帶兵前往賊已佔據巖卡官兵鎗箭齊發傷斃多賊退上山梁賊衆兵單不便窮追其沿河鄉勇聞賊渡河俱各逃散十三日賊匪自將滋邱賊

巢焚燒盡數渡河俱上黃栢山地方等情伏思

臣等統兵進剿連得勝仗奪獲要卡且滋邱四

面皆山中界大河賊人佔據於此地形極爲低

下我兵前後圍攻可期全獲乃忽被逃竄臣等

趕緊馳赴滋邱拏獲賊匪姜仕舉供稱林之華

夥黨男婦大小約有萬餘人聽見官兵前來心

中害怕商量要退到黃栢山於初六七日搭成

木橋十二三等日過去等語當派鎮臣諸神保

慶溥查驗屬實_臣等查賊匪等蓄意潛逃搭造

木橋已非一日且成德等既派有兵勇沿河設

卡巡查自應得有消息撥兵堵截不知何以毫

無覺察至護鎮黃瑞在張家口沿河一帶防守

不能設法堵截雖帶兵僅止三百名但相距較

近賊人搭橋過渡未能先期偵探報知成德更

非尋常疎忽一司比相應請

旨將護宜昌鎮臣_其貝瑞革職留於軍營効力贖罪以

示懲儆此時賊既竄至黃柏山道路叢雜在在

可通急應抄過賊人之前攔截去路免致復行

竄逸現准成德札會已帶陝楚官兵馳赴前面

堵截_臣等又將江西兵七百名調交成德合計

共有兵三千與_臣等所有兵力約畧相同惟查

滋邱至黃柏山俱係陡壁懸崖徑仄坡危甚難

行走臣等雖心急如焚若冒險輕進恐一時不

能得手反滯兵行現在踣探路徑籌酌萬全分

路追剿卽知會成德兩面夾攻以期迅速廓清

均奏入

上命軍機大臣傳諭永保福寧惠齡成德觀成曰滋

邱賊匪因官兵進逼蓄意潛逃搭造木橋已非一

曰黃瑞在張家口沿河一帶防守自應設法堵截
卽因該處兵少亦應於賊匪搭造木橋時飛速報
知成德等早爲防備乃黃瑞旣不能臨時堵禦又
不速行稟報玩悞已極黃瑞著卽革職拏解來京
治罪至成德旣派有兵勇沿河設卡巡查自應偵
探賊情隨時防堵且伊紮營處所距張家口沿河
相近乃竟毫無覺察以致賊匪復逃至黃柏山潛

匿殊出情理之外文圖與成德同在關口黃連坪

駐劄而賊匪於初六七日搭造浮橋至十三日接

到補授雲南提督諭旨竟於十九日起身赴滇置

逃竄黃柏山之賊匪於不顧尤爲畏蕙可惡成德

文圖本應與黃瑞一體革職治罪但現在該處帶

兵乏人暫從寬宥所有成德文圖前賞花翎及巴

圖魯名號俱著革去姑留將軍提督之任令其帶

罪圖功以觀後效至披閱福寧等所進圖內福寧
觀成等在賊營西北之山竹坪蔡營成德文圖在
賊營之東關口黃連坪蔡營而黃柏山之東南西
南兩處現在尙無官兵堵守今成德文圖旣如此
貽悞已難望其與福寧等合兵進剿軍營統率不
可無人所有剿辦黃柏山一路軍務卽著福寧觀
成總統辦理文圖現已回至軍營卽著成德文圖

分往賊營之西南鶴峯州東南長樂縣界帶兵防

堵倘成德文圖再不能堵截又任賊匪由所守之

處他逸則二罪並發必將伊等於軍前正法決不

寬貸著傳諭福寧觀成卽速行鼓勵兵勇渡河覓

路直攻黃柏山獅子巖賊巢速將賊匪悉數殲擒

再因福寧等奏到滋邱賊匪渡河逃逸情形復檢

閱二十五日成德文圖奏到之摺據稱成德於十

四日接到福寧等札知訂期是夜五鼓進攻卽帶
領兵勇連夜行走併力攻擊殺死賊匪多名將迎
龍山奪佔滋邱賊匪又經文圖黃瑞等督率兵勇
殲斃無算等語可見成德等發摺時賊匪業已於
十三日渡河竄逸乃成德等轉以剿殺賊匪情形
鋪張其詞預爲地步以掩飾其不能堵截之罪更
爲欺詐著福寧等就近傳詢成德文圖將因何前

奏虛假之處令其據實登答迅速復奏至永保等
所進圖內賊匪現在草店劉家集清涼寺一帶屯
聚東西北三面俱已有官兵圍截而南面貼簽處
所尤爲賊匪南竄之路必須嚴密防堵所有新到
滿洲直隸山東兵六千名河北兵一千名竟應於
永保等四人內酌分一二人帶領於東南一帶分
布兜剿使賊不能另有逸路爲妥

臣等謹案軍旅之間事貴嚴密而賊匪情偽

尤宜隨時體察防範或因兵丁稍單襲擊不

時致有竄合情事亦當據實上陳力圖自贖

此次黃瑞帶兵防守張家口沿河一帶於滋

邱賊匪搭橋過河未能早爲查報實力堵禦

而成德文圖皆係統兵駐彼亦竟毫無覺察

或先期起程實爲玩悞一經

聖明訓示將黃瑞解京治罪並檢閱成德等前奏之

摺

指出虛假

諭令傳訊登答復以該處帶兵乏人祇將伊二人革

去花翎巴圖魯名號

加恩留任仰見

睿照如神

權衡至當所由披堅執銳之倫無不感畏而用命也